



Inatsisartuni ilaasortaq
Jens Napâtök, Partii Naleraq

Nunaqarfinni qatserutit pillugit § 37 naapertorlugu apeqquteqaammut nr. 152-2020-mut akissut

Asasara Jens Napâtök

Inatsisartut suleriaasianni § 37 naapertorlugu nunaqarfinni qatserutit pillugit § 37 naapertorlugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

1. Nunaqarfinni qatseruteqarnikkut atortorissaaruteqarneq Naalakkersuisunit malinnaaffigineqarpa?

Aap, kommunini annaassiniarnissamut atortut isumagineqarneri qanoq ingerlanersut Naalakkersuisunit malinnaaffigineqarpoq. Naalakkersuisuniit kommunini annaassiniarnissamut upalungaarsimasut annertussusilerneqarnermikkut minnerpaaffissaat pillugu nalunaarusiassamut siunnersuut tamanut ammasumik tusarniaassutigeqqammerpaat. Siunnersuummi kommunini upalungaarsimasuni inuttat suliniuteqarnissamullu atortut annertussusilerneqarnermikkut ikinnerpaaffissaat aalajangersarneqarput. Missingiummi annertussusiliinermi minnerpaaffissat illoqarfinni nunaqarfinnilu inuit amerlassusii tunngavigalugit aalajangersarneqartassasut siunnersuutigineqarpoq. Nalunaarutissamut siunnersuummi nuna tamakkerlugu innuttaasunut ikinnerpaaffissat assigiissaarneqarnissaannik qulakkeerinissaq siunertarineqarpoq. Tamatuma peqatigisaanik kommunit upalungaarsimasuisa isumannaatumik suliniuteqarsinnaanissaannut pisinnaasat qulakkeerniarnerini pisariaqartinneqarpat, kommunit inuttanik suliniuteqarnermullu atortunik ikinnerpaaffissatut aalajangiunneqartunik amerlisitsinissaq pisussaaffigigaat siunnersuummi aalajangersarneqarpoq. Siunnersuutip Naalakkersuisuni piaartumik suliarineqarnissaa naatsorsuutigineqarpoq.

Kalaallit Nunaanni annaassiniarnissamut upalungaarsimaneq aamma ikualattoornissamik qaartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersoq naapertorlugu annaassiniarnissamut upalungaarsimaneq kommunit suliassaraat. Taamaattumik kommunit ataasiakkaat najukkani annaassiniarnissamut upalungaarsimanermut akisussaasuupput, taakkunungalugit qatserutit, nunaqarfinni upalungaarsimanermut atasut ilaatinneqarput.

Allakkat ulluat: 22-09-2020
Suliap normua: 2020 - 15928
Allagaatip ilisarnaataa: 14835780

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

2. Illoqarfinni mikinerni Nunaqarfinnilu upalungaarsimanermit atortorissaarutinik qanoq inissisimasoqarpa?

Annaassiniarnissamut upalungaarsimaneq kommunit suliassaraat. Kommunini annaassiniarnissamut upalungaarsimasut ingerlaavartumik oqaloqatigineqarneri aqutugalugit, kiisalu nakkutilliinermut atatillugu atortut ataatsimut isigalugit piumasaqaatinik naammassinniffiusutut Ilisimatusarnermut Avatangiisinullu Naalakkersuisoqarfimmit isumaqarfigineqarpoq.

3. Nunaqarfinni qatserisartut pikkorissartinneqartarpat?

Nunaqarfinni qatserisartut minnerpaamik tunngaviusumik ilinniarsimasussaapput. Kommuni najukkani tunngaviusumik ilinniartitaanernut aqutsisuuvoq akisussaasuullunilu. Tamatuma saniatigut qatserisartut pikkorissartitsinernut attuumassutilinnut allanut qanoq annertutigisumik peqataassanersut kommunit naliliiffigineqartarpoq.

4. Qanoq akuttutigisunik sungiusartinneqartarpat?

Upalungaarsimanermit Aqutsisoqarfiup nutarterisarnermit pilersaarutai malinneqassasut Kalaallit Nunaanni Qatserisartut Ilinniarsianni suliassaqarfimmut ataatsimiititaliamit akuerineqarsimavoq. Tassani allassimavoq, kommunimi ukiut tamaasa minnerpaamik nalunaaquttap akunnerini 24-ni nutarterilluni ilinniartitsinernik, ukiumoortumik sungiusarnermut aqqaneq marlunnut agguarlugit ingerlatsisoqartassasoq.

5. Kommunit tamarmik upaliugaarsimanissamut akisussaaffitsik naammassisisinnaavaat?

Inatsisartut 2017-imi ukiakkut ataatsimiinnermi aalajangiipput, kommunit upalungaarsimanermik nalinginnaasumik ingerlatsinerat, pingaartumillu ajunaarnersuarnut aammalu ajunaarnersuarnut assingusunut atatillugu kommunit isumaginnittuuneranni iluaqutissat ajoqutissallu pillugit misissueqqissaarnermik Naalakkersuisut suliaqassasut. Taamatuttaaq Inatsisartut aalajangiipput, misissueqqissaarnermi upalungaarsimanermit atortut atorpeqarsinnaasut naammannersut naliliiffigineqassasut.

Misissueqqissaarnermi ilaatigut inerniliissutigineqarpoq, annaassiniarnissamut upalungaarsimaneq kommunip ataani ingerlaqqittariaqartoq, kiisalu atortut inatsisit malillugit pigineqartussat amerlanerpaartaat akunnattumiit qummut naliliiffigineqartumik pitsaassuseqartut. Nassuiaat Inatsisartuni ilasortanut agguaanneqarpoq aammalu Naalakkersuisut nittartagaatigut tamanit pissarsiarineqarsinnaalersinneqarluni.

Inussiarnersumik inuulluaqqusillunga



Jess Svane